

2022

ევროპის საინვესტიციო ბანკის მოკლე მიმოხილვა



European
Investment
Bank Group

ევროპის საინვესტიციო ბანკის მოკლე მიმოხილვა

© ევროპის საინვესტიციო ბანკი, 2022.

98 -100, boulevard Konrad Adenauer

L-2950 Luxembourg

+352 4379-1

info@eib.org

www.eib.org

twitter.com/eib

facebook.com/europeaninvestmentbank

youtube.com/eibtheeubank

ყველა უფლება დაცულია

უფლებებთან და ლიცენზიებთან დაკავშირებული კითხვების შემთხვევაში ეწვიეთ: publications@eib.org

ჩვენი საქმიანობის შესახებ დამატებითი ინფორმაციისათვის ეწვიეთ ჩვენს ვებგვერდს: www.eib.org

ასევე, შეგიძლიათ დაგვიკავშირდეთ: info@eib.org. გადმოიწერეთ ჩვენი ელექტრონული საინფორმაციო ბიულეტენი: www.eib.org/sign-up

ჩვენი ინვესტიციები ხელს უწყობს მდგრადობას ყველგან, მათ შორის ბიომრავალფეროვნებაში. გადაშენების საფრთხის წინაშეა 1 მილიონი სახეობა და დამამტვერიანებლების რიცხვი მკვეთრად შემცირებულია. ეს მორალური გამოწვევაა კაცობრიობისთვის, მაგრამ ასევე ეკონომიკურ პრობლემასაც წარმოადგენს. მარცვლეულ კულტურათა დამტვერვა უტოლდება 150 მილიარდ ევროს ყოველ წელს; ეკოსისტემას 140 ტრილიონი ევროს წვლილი შეაქვს მსოფლიო ეკონომიკაში ყოველწლიურად. დამამტვერიანებლები მცირე ზომის არის, თუმცა მათი წვლილი ჩვენს ცხოვრებაში უდიდესია. სწორედ ამიტომ ვაქვეყნებთ მათ ჩვენი მთავარი ანგარიშების ყდებზე წელს.

@ფოტო ეკუთვნის: EIB, GettyImages, Shutterstock, BioNTech, Eggtronic, Anaconda Biomed, ENEL.

გამოქვეყნებულია ევროპის საინვესტიციო ბანკის მიერ.
დაბეჭდილია FSC® ქაღალდზე.

print: QH-01-22-369-KA-C ISBN 978-92-861-5301-3 doi: 10.2867/749051
pdf: QH-01-22-369-KA-N ISBN 978-92-861-5262-7 doi: 10.2867/29135

ევროპის საინვესტიციო ბანკის მოკლე მიმოხილვა

ევროპის საინვესტიციო ბანკი ევროკავშირის საკრედიტო ინსტიტუტია – ჩვენ წარმოვადგენთ ევროკავშირის ბანკს. ჩვენ ვართ მსოფლიოს უმსხვილესი მრავალმხრივი ფინანსური ინსტიტუტი და კლიმატთან დაკავშირებული ქმედებების ერთ-ერთი უმსხვილესი დამფინანსებელი.

1958 წელს დაარსებიდან დღემდე, ევროპის საინვესტიციო ბანკმა მოახდინა ტრილიონ ევროზე მეტის ინვესტირება პროექტებში ევროპასა და მსოფლიოს სხვა ქვეყნებში. მაშინ როდესაც კლიმატთან დაკავშირებული ქმედებები ჩვენი მოქმედებების განუყოფელი ნაწილია, ჩვენი საქმიანობები ფოკუსირდება შემდეგ პრიორიტეტულ სფეროებზე: კლიმატი და გარემო, განვითარება, ინოვაცია და უნარები, მცირე და საშუალო ზომის ბიზნესები, ინფრასტრუქტურა და ურთიერთგათანაბრების პოლიტიკა.

ევროპის საინვესტიციო ფონდი, რომელიც ევროპის საინვესტიციო ბანკის ჯგუფის ნაწილია, სპეციალიზირდება მცირე და საშუალო ზომის საწარმოების მხარდაჭერაში მეწარმეობის, ზრდის, ინოვაციის, კვლევის, დასაქმებისა და რეგიონალური განვითარების დაფინანსებით.

ევროპის საინვესტიციო ბანკი მუშაობს ევროკავშირის ინსტიტუტებთან ევროპული ინტეგრაციის ხელშეწყობის, ევროკავშირში განვითარების სტიმულირებისა და ევროკავშირის პოლიტიკის მხარდაჭერისათვის. აღნიშნული მუშაობა სცდება ევროპის საზღვრებს: ევროპის საინვესტიციო ბანკი საქმიანობს 160 ქვეყანაში და აუმჯობესებს მილიონობით ადამიანის ცხოვრებას ყოველწლიურად ევროკავშირისა და მთელ მსოფლიოში.

ურთიერთკავშირი ყოველთვის წარმოადგენდა ევროპის საინვესტიციო ბანკის საქმიანობის ქვაკუთხედს ჩვენი ისტორიის მანძილზე. ევროპის საინვესტიციო ბანკის ინვესტიცია მჭიდროდ აკავშირებს ევროკავშირის ქვეყნებს ერთმანეთთან ევროპაში. „ეს გლობალის“ მეშვეობით, რომელიც დაფუძნდა 2022 წელს ჩვენი განვითარების დაფინანსების ზემოქმედების გაზრდის მიზნით, ჩვენ ვეხმარებით გლობალურ გამოწვევებთან გამკლავებაში და ვქმნით ზრდასა და შესაძლებლობებს ყველა კონტინენტზე.



ეპოქაში, სადაც მრავალმხრივი ურთიერთობების პრინციპი როგორც ღირებულება კითხვის ნიშნის ქვეშაა, ევროპის საინვესტიციო ბანკის მუშაობა წარმოადგენს ინტეგრირებული ევროპული ძალისხმევის მძლავრი შესაძლებლობების მუდმივ შემახსენებელ ფაქტორს.

კოვიდ-19-ის გავრცელებასთან ერთად, მსოფლიო აღმოჩნდა ჯანმრთელობასთან დაკავშირებული მოულოდნელი საგანგებო სიტუაციის წინაშე. არსებობდა ვაქცინის მოძიებისა და ვირუსის გავრცელების შეზღუდვის გადაწყვეტილებების პოვნის გადაუდებელი საჭიროება. ევროპის საინვესტიციო ბანკმა დააფინანსა ვაქცინის შექმნა და წარმოება და არსებითი მხარდაჭერა გაუწია სხვა ჯანდაცვის ღონისძიებებს როგორც ევროკავშირის შიგნით, ისე მის ფარგლებს გარეთ. აღნიშნული მოიცავდა „კოვაქსის“ ინიციატივის დაფინანსებას, რომლის მიზანია კოვიდ-19-ის საწინააღმდეგო ვაქცინაციასთან სამართლიანი და მიუკერძოებელი წვდომის გარანტირება მსოფლიოს ყველა ქვეყანაში.

შედარებით მცირე კომპანიები განსაკუთრებით დაზარალდნენ პანდემიით მრავალი მიზეზის გამო, მათ შორის ღრობებითი დაზურვა და, როგორც წესი, მათ მიერ ნაკლები გამოსაყენებელი ფულადი რეზერვების ქონა. ევროპის საინვესტიციო ბანკის ჯგუფმა მნიშვნელოვანი წვლილი შეიტანა ევროკავშირის მიერ გატარებულ ღონისძიებებში, რომლებიც ეხებოდა ევროპულ ბიზნესებსა და ეკონომიკაზე კრიზისის ეკონომიკური შედეგების ზემოქმედების შეკავებას. ევროპის საინვესტიციო ბანკის მიერ დაარსებული ევროპის საგარანტიო ფონდის მიზანია 200 მილიარდი ევროს მობილიზება მცირე და საშუალო ზომის კომპანიების დასახმარებლად კრიზისის პერიოდში.

როგორც მსოფლიოს უმსხვილესი მრავალმხრივი მსესხებელი, ევროპის საინვესტიციო ბანკი ეხმარება ეკონომიკებს აყვავებაში, ქმნის სამუშაო ადგილებს და ხელს უწყობს თანასწორობასა და მდგრადობას. ჩვენ ვმუშაობთ საჯარო და კერძო სექტორის წარმომადგენელ პარტნიორებთან და ჩვენი წარმატების საზომია ის, თუ რამდენად დაეხმარა ჩვენი მუშაობა საზოგადოებას და გახადა ცხოვრება უკეთესი იმ ადამიანებისთვის, ვისთანაც შეხება გვქონდა.

ევროპის საინვესტიციო ბანკი წარმოადგენს უმნიშვნელოვანეს „მწვანე“ მრავალმხრივ მსესხებელს: როგორც ევროკავშირის კლიმატის ბანკი, ევროპის საინვესტიციო ბანკი დახმარებას უწევს პარიზის შეთანხმებით – კლიმატის ცვლილების შესახებ საერთაშორისო ხელშეკრულება – ადებული ვალდებულებების და გაერთიანებული ერების ორგანიზაციის მდგრადი განვითარების მიზნების შესრულებას საკუთარი საქმიანობით მსოფლიოში. ერთ ტრილიონ ევროზე მეტია გამოყოფილი კლიმატთან და გარემოსდაცვით მდგრადობასთან დაკავშირებული ინვესტიციებისთვის მომავალი ათწლეულისთვის.

ჩვენი ზემოქმედება 2021 წელს

360
მილიარდი
ევრო

ინვესტიციის დაფინანსება
ევროპის საინვესტიციო ბანკის
საქმიანობის ფარგლებში

4,8
ტრილიონი
ევრო

მობილიზებული
ინვესტიციის მთლიანი
რაოდენობა

95,86
მილიარდი
ევრო

ევროპის საინვესტიციო
ბანკის ჯგუფის
დაფინანსება

65,4
მილიარდი
ევრო

ხელმოწერილი ახალი
სესხები

55,26
მილიარდი
ევრო

ობლიგაციების
ბაზრებიდან

45
მილიარდ
ევროზე
მეტი

დაფინანსება მცირე
ბიზნესისათვის

15,38
მილიარდ
ევროზე მეტი

დაფინანსება მდგრად
ენერჯიკასა და ბუნებრივი
რესურსებისათვის

20,70
მილიარდ
ევროზე მეტი

ინოვაციის, ციფრული და
ადამიანური კაპიტალის
სტიმულირებისათვის

4,5
მილიონი

სამუშაო ადგილის
მხარდაჭერა მცირე
ბიზნესებში



2012–2021 წლებში, ევროპის საინვესტიციო ბანკის მთლიანმა დაფინანსებამ ევროკავშირის გარეთ შეადგინა 71,92 მილიარდი ევრო, საიდანაც 26,15 მილიარდი გამოიყო აფრიკაზე



ადამიანისთვის უფრო უსაფრთხო სასმელი წყალი



საოჯახო მეურნეობისთვის ელექტროენერგიაზე წვდომის უზრუნველყოფა



ადამიანი სარგებლობს გაუმჯობესებული ინფრასტრუქტურით



გამომწერი მე-5 თაობის სერვისებზე წვდომით



დამატებითი მგზავრობა საჯარო ტრანსპორტით



ადამიანისთვის წყალდიდობის შემცირებული რისკი



ელექტროენერგიის წარმოების სიმძლავრე, 99,7% განახლებადი წყაროებიდან



ხელმოწერილი სესხი კოვიდ-19-ის პანდემიით დაზარალებული ბიზნესების დასახმარებლად



ადამიანი სარგებლობს გაუმჯობესებული ჯანდაცვის სერვისებით, მათ შორის კოვიდ-19-ის ვაქცინებით





უკრაინის მხარდაჭერა

ევროპის საინვესტიციო ბანკი მხარს უჭერს უკრაინის ხელისუფლების ორგანოებს და უკრაინელ ხალხს. ის მხარს უჭერს დამოუკიდებელ უკრაინას.

მიმდინარე კრიზისზე ევროკავშირისა და საერთაშორისო რეაგირების ფარგლებში, ჩვენ მოვახდინეთ ფინანსური დახმარების მობილიზება უკრაინისათვის ევროპის საინვესტიციო ბანკის სოლიდარობის პაკეტის მეშვეობით რათა დავეხმაროთ უკრაინის მთავრობას გადაუდებელი აუცილებლობის პირობებში ლიკვიდურობის მიღწევაში. დამატებით, ევროკომისიასთან თანამშრომლობით, ევროპის საინვესტიციო ბანკი მუშაობს შემდგომი დაფინანსების გამოყოფაზე, რომელიც საშუალებას მისცემს უკრაინის მთავრობას განაგრძოს კრიტიკულად მნიშვნელოვანი საჯარო სერვისების მიწოდება ქვეყანაში დარჩენილი მოქალაქეებისთვის, უზრუნველყოს ხელმისაწვდომი საკვები, სამედიცინო პროდუქცია და საწვავი, ასევე განაგრძოს ტრანსპორტის, ენერგეტიკის, ურბანული განვითარებისა და ციფრული პროექტების მხარდაჭერა.

ევროპის საინვესტიციო ბანკმა ასევე გამოაცხადა 4 მილიარდიანი პროგრამის შესახებ 2022 და 2023 წლისთვის ევროკავშირის წევრი სახელმწიფოების ქალაქებისა და რეგიონებისთვის, რათა მათ შეძლონ სასწრაფო ინვესტირების საჭიროებებთან და უკრაინიდან ომის ლტოლვილების მიღების და ინტეგრაციის გამოწვევებთან გამკლავება. ევროპის საინვესტიციო ბანკის ახალი პროგრამა მიზნად ისახავს ძირითადი სოციალური ინფრასტრუქტურის განვითარების დაფინანსებას ლტოლვილებისთვის საჯარო სერვისების უზრუნველსაყოფად, მათ შორის საცხოვრებელი, სკოლები, საავადმყოფოები და საბავშვო ბაღები.

ევროპის საინვესტიციო ბანკი აგრძელებს მუშაობას ევროპულ პარტნიორობებთან უკრაინისა და უკრაინელი ლტოლვილების მხარდაჭერის შემდგომი შესაძლებლობების კვლევაზე.





ევროპის საინვესტიციო ბანკმა 100 მილიონი ევროს ფინანსური მხარდაჭერა გაუწია გერმანულ კომპანია „ბიონტექს“ კოვიდ-19-ის ვაქცინის შესაქმნელად.

კოვიდ-19

ევროპის საინვესტიციო ფონდი კოვიდ-19-ის პანდემიაზე ევროკავშირის გლობალური რეაგირების წინა ხაზზე იმყოფება და მყისიერი მოქმედების კამპანიას აწარმოებს ისეთ საერთაშორისო ორგანიზაციებთან ერთად, როგორცაა ჯანმრთელობის დაცვის მსოფლიო ორგანიზაცია და გაერთიანებული ერების ორგანიზაციის ბავშვთა ფონდი.

ევროპის საინვესტიციო ბანკის ჯგუფის მიერ საგანგებო სიტუაციაზე რეაგირების მხარდაჭერამ ინვესტირების საშუალება მისცა მცირე და საშუალო ზომის საწარმოებს და ინოვაციურ ახალწამოწყებულ ბიზნესებს მიუხედავად მძიმე ბუნდოვანი სიტუაციისა. ჩვენი მოლოდინია, რომ მოვახდენთ 200 მილიარდი ევროს დაფინანსების მობილიზებას ჩვენი ევროპის საგარანტიო ფონდის მეშვეობით, რითიც მოხდება პანდემიის გამო არსებობისთვის ბრძოლაში ჩართული მოწყვლადი კომპანიების მხარდაჭერა.

ევროპის საინვესტიციო ბანკის დახმარებით დაფინანსდა კოვიდ-19-ის ვაქცინების შექმნა და შექმნა, ვირუსის გავრცელების შეზღუდვის გადაწყვეტილებები და სხვა კოვიდ-19-ის კრიზისთან დაკავშირებული საზოგადოებრივი ჯანდაცვის პროექტები.

პანდემიის პერიოდში, ევროპის საინვესტიციო ბანკმა დააფინანსა იტალიური დამწყები კომპანია „ეგეტრონიკი“, რომელმაც გამოიგონა ენერჯის დამზოგი გარდამქმნელი. მაღალი ენერგოეფექტიანობის წყალობით, „ეგეტრონიკის“ გარდამქმნელები მსგავს დანადგარებთან შედარებით გაცილებით ნაკლებ ნახშირბადს გამოჰყოფს.





კლიმატი და ენერჯეტიკა

კლიმატის ცვლილება წარმოადგენს ყველაზე დიდ გლობალურ გამოწვევას ჩვენი თაობისათვის. კლიმატთან დაკავშირებული მიზნების მიღწევა განაპირობებს ჩვენს კეთილდღეობასა და ჩვენი შვილების სიცოცხლის ხანგრძლივობას მომავალში. ევროპის საინვესტიციო ბანკის კლიმატსა და ენერჯეტიკასთან დაკავშირებული მიზნები ახალ

სტანდარტებს ადგენს ევროპაში და მის საზღვრებს გარეთ. ჩვენ შევწყვიტეთ წიაღისეული საწვავის პროექტების დაფინანსება და ჩვენი ინვესტიციების 50%-ს 2025 წლისათვის გამოვყოფთ კლიმატის ცვლილებასთან დაკავშირებულ ქმედებებსა და კლიმატის ცვლილების მიმართ მდგრადობაზე.

ევროპის საინვესტიციო ბანკის ოპერაციები აჩქარებს „მწვანე ზრდას“ და ეკონომიკების დეკარბონიზაციას. ჩვენ ყურადღებას ვამახვილებთ ენერგოეფექტურობასა და განახლებად ენერჯიაზე, რომელთაგანაც ორივე ხელს უწყობს CO₂-ის ემისიის შემცირებასა და ჩვენი ენერჯეტიკული უსაფრთხოების განმტკიცებას. ყველა ჩვენი ქმედება მიზანმიმართულია მდგრად სოციალურ და ეკონომიკურ ზრდაში წვლილის შეტანისკენ.

ევროპის საინვესტიციო ბანკის ინვესტიციები ასევე ეხმარება საზოგადოების მოწყვლად ნაწილს კლიმატის ცვლილებით გამოწვეული ზემოქმედების შედეგების დაძლევაში, ბიოლოგიური მრავალფეროვნების დაცვასა და მდგრადი ფერმერული საქმიანობის ხელშეწყობაში. ჩვენ ვზრუნავთ ბუნებრივი რესურსების შენარჩუნებაზე და მომავალი თაობებისათვის გარემოს უსაფრთხო ადგილად ვაქცევთ. ნებისმიერი პროექტი, რომელსაც ევროპის საინვესტიციო ბანკი აფინანსებს ინოვაციების, მცირე ბიზნესისა თუ ინფრასტრუქტურის სფეროში, უნდა შესაბამებოდეს ჩვენს კლიმატთან დაკავშირებულ მიზნებს.





ევროპის საინვესტიციო ბანკმა დააფინანსა „ანაკონდა“ პიონერი ესპანური კომპანია, რომელმაც შექმნა რენტაბელური მკურნალობა, რომელიც ეხმარება ექიმებს სიცოცხლის გადარჩენაში და ამცირებს უნარშეზღუდულობის შემთხვევებს ინსულტის გადატანის შემდგომ.

ინოვაცია

ინოვაცია უნარჩუნებს ევროპას კონკურენტუნარიანობას და ქმნის ღირებულ სამუშაო ადგილებს. ევროპის საინვესტიციო ბანკი აფინანსებს ინოვაციის ბევრ ეტაპს ცხოვრების სტანდარტის გაუმჯობესების იდეების მხარდაჭერით.

ჩვენ ვაფინანსებთ როგორც ფართომასშტაბიან სამეცნიერო კვლევას, ასევე მცირე, სპეციალიზირებულ ფირმებს. ჩვენი ინვესტიციები ისეთ სექტორებში, როგორიცაა ტელეკომუნიკაციები, ავიაცია, მედიცინა და დიგიტალიზაცია, წარმოადგენენ ერთგვარ გარანტს ამპროექტებისათვის კერძო სექტორიდან დამატებითი დაფინანსების მოსაზიდად.

ევროპის საინვესტიციო ბანკის ჯგუფი საშუალებას აძლევს ევროპულ კომპანიებს შექმნან და განავითარონ უახლესი მაღალი ტექნოლოგიები.

ევროპის საინვესტიციო ბანკის სესხების მხარდაჭერით, უნივერსიტეტებს შეუძლიათ ააშენონ და გააფართოონ საკუთარი კვლევითი ობიექტები, ხოლო ახალწამოწყებულ ბიზნესებს შეუძლიათ გაზარდონ კადრები და გააუმჯობესონ აღჭურვილობა. ევროპის საინვესტიციო ბანკის ფინანსური მხარდაჭერით ინოვაციური იდეები წარმატებულ ბიზნესად იქცევა.



ევროპის საინვესტიციო ბანკი წარმოადგენს მთავარ მსესხებელს მცირე ბიზნესისთვის დასავლეთ ბალკანეთის ქვეყნებში, ეხმარება 30 000-მდე კომპანიას და ხელს უწყობს ნახევარი მილიონი სამუშაო ადგილის შენარჩუნებას. ჩვენი მუშაობის შედეგად, 1800-ზე მეტ სკოლას სერბეთში აქვს სწრაფ ინტერნეტზე წვდომა და უკეთესი ციფრული აღჭურვილობა, რამაც საშუალება მისცა მასწავლებლებს შეეთავაზებინათ დისტანციური სწავლა მოსწავლეებისათვის სახლში პანდემიის პერიოდში.

ჩართულობა

ევროპის საინვესტიციო ბანკი აძლიერებს მცირე ბიზნესებსა და ახალგაზრდებს, და მხარს უჭერს ქალ-მეწარმეებს მათთვის სესხებთან და წამყვან პოზიციებთან წვდომის მიცემით. ჩვენ შესაძლებლობას ვაძლევთ მოსახლეობის დაბალშემოსავლიან ნაწილს, თვითდასაქმებულებსა და მიკროსაწარმოებს ისარგებლონ ფინანსური და ბიზნესთან დაკავშირებული რჩევებით, რათა უზრუნველყონ საკუთარი პროექტების წარმატება.

ჩვენ არ გავცემთ პროექტის ღირებულების ნახევარზე მეტი ოდენობით სესხს. ევროპის საინვესტიციო ბანკი შექმნილია იმოქმედოს როგორც კატალიზატორმა კერძო სექტორის მეტი ჩართულობის მისაღწევად პროექტში ინვესტირების გზით.





მდგრადობა

ევროპის საინვესტიციო ბანკი ახდენს ფულის მოზიდვას ობლიგაციების გამოცემით საერთაშორისო კაპიტალის ბაზარზე. ჩვენი საუკეთესო საკრედიტო რეიტინგი საშუალებას გვაძლევს მოვიზიდოთ სახსრები კარგი განაკვეთით და ეს სარგებელი გადავცეთ ჩვენს კლიენტებს.

ევროპის საინვესტიციო ბანკის კაპიტალის ბაზრის ექსპერტებმა შექმნეს და განავითარეს მწვანე და მდგრადი ობლიგაციების ბაზარი. ჩვენ წარმოვადგენთ გარესახელმწიფოებრივ, მწვანე ობლიგაციების ყველაზე მსხვილ ემიტენტს, რომლის მეშვეობითაც ფინანსდება განახლებადი ენერჯია, ენერგოეფექტურობა, სუფთა წყალი და სანიტარული პირობების გაუმჯობესება.





**მცირე ბიზნესებმა კონგოში მიიღეს სესხი
ევროკავშირის საინვესტიციო ბანკისგან პანდემიის
პერიოდში სამართლიანი საპროცენტო განაკვეთით
არაოფიციალური მსესხებლების მაღალი
განაკვეთებისგან განსხვავებით, რაც დაეხმარა მათ
ბიზნესებსა და თემს.**

„ესბ გლობალი“

„ესბ გლობალი“, ევროპის განვითარების ბანკის განყოფილება, დაფუძნდა 2022 წელს ჩვენი განვითარების დაფინანსების ზემოქმედების გასაზრდელად. ევროპის საინვესტიციო ბანკმა განაცხორციელა 70 მილიარდ ევროზე მეტი ოდენობით ინვესტიცია ევროკავშირის გარეთ ბოლო ათწლეულის მანძილზე (2012–2021), მილიარდობით ინვესტიციის მობილიზება მოხდა კერძო სექტორიდან. „ესბ გლობალი“ აძლიერებს ევროპის საინვესტიციო ბანკის ზემოქმედებას ადგილობრივი ოფისების გახსნით და ადგილობრივ მოსახლეობასთან, კომპანიებთან და ინსტიტუტებთან დაახლოებით.

ევროპის საინვესტიციო ბანკი გააფართოებს ადგილობრივი მიკროსაფინანსო ინსტიტუტების მხარდაჭერას რეგიონებში, სადაც ხალხს ხშირად არ აქვს წვდომა ბანკებთან. პირობებში, როცა ხალხს შეუძლია კრედიტის აღება, ბიზნესები ასაქმებენ მეტ მომუშავე პერსონალს, ქალბატონები ხდებიან დამოუკიდებლები, იძულებით გადაადგილება მცირდება და საოჯახო მუდრეობებს შეუძლიათ დაძლიონ სიდარბიე.

ჩვენ გავზრდით ევროპის საინვესტიციო ბანკის სექტორულ ექსპერტულ ხელმისაწვდომობას ადგილობრივ დონეზე ჩვენი ცოდნისა და გამოცდილების ადგილობრივი პარტნიორებისთვის გაზიარებით. ჩვენ შევთავაზებთ დამოუკიდებელ კონსულტაციებს,

რომელიც დაფუძნებულია ქვეყნებისა და დარგების ფართო სპექტრში მუშაობისა და დარგოვით გამოცდილებაზე. ეს საკონსულტაციო სერვისები შეიძლება თან ახლდეს ევროპის საინვესტიციო ბანკების ფინანსურ პროდუქტებს, ან შეიძლება შეთავაზებული იყოს დაფინანსებისგან დამოუკიდებლად.

კლიმატის ცვლილება, კოვიდ-19-ის პანდემია და სხვა კრიზისები მოითხოვს, რომ მილიარდები რომლის ინვესტირებასაც ვახდენთ ჩვენ საერთაშორისო და ეროვნულ პარტნიორ ბანკებთან ერთად იქცნენ ტრილიონებად ახალი პარტნიორობების ჩამოყალიბებით და სხვა ფინანსურ ინსტიტუტებთან მუშაობით. უმნიშვნელოვანესია, რომ ევროპის საინვესტიციო ბანკის ჩართულობა ხელს უწყობს კერძო სექტორის ჩართულობას, რაც ინვესტირების ახალ პერსპექტივებს ხსნის.

განვითარებად ქვეყნებს მხოლოდ სჭირდებათ 2 ტრილიონ ევროზე მეტი დამატებითი ყოველწლიური ინვესტირების სახით, რათა მიაღწიონ კლიმატის ცვლილების მოგვარების შესახებ გაეროს მდგრადი განვითარებისა და პარიზის შეთანხმების მიზნებს.

როგორც ევროკავშირის კლიმატის ბანკი, ევროპის საინვესტიციო ბანკი მუშაობს, რათა მხარი დაუჭიროს ევროპის მწვანე შეთანხმებას – ევროკავშირის პროექტს – უზრუნველყოს ევროკავშირის კლიმატის, ენერგეტიკის, ტრანსპორტისა და გადასახადით დაბეგვრის პოლიტიკით სათბური აირების გაფრქვევის შემცირება სულ მცირე 55%-ით 2030 წლისთვის. ევროკავშირის წილი გლობალურ გამონაფრქვევში მხოლოდ 10%-ია, ამდენად „ესბ გლობალი“ დაეხმარება გაფართოვდეს ევროკავშირის დეკარბონიზაციის ძალისხმევა მის საზღვრებს მიღმა „გლობალური მწვანე შეთანხმების“ მხარდაჭერით.

„ესბ გლობალი“ არის ევროკომისიის მთავარი მოკავშირე 300 მილიარდი ევროს ღირებულების „გლობალური კარიბჭის“ პროგრამაში, რომელიც ციფრული, კლიმატის, სატრანსპორტო, ენერგეტიკის და საგანმანათლებლო სექტორებში გლობალური და რეგიონალური ურთიერთკავშირის პროექტების მხარდაჭერია. განვითარების სესხები და ფინანსური დახმარება აჩქარებს ზრდას, მეტი კეთილდღეობა მოაქვს სოფლის რეგიონებისათვის, მეტად ინოვაციურს ხდის ქალაქებს და აძლიერებს ეკონომიკებს.

„ესბ გლობალის“ მუშაობა მხარს უჭერს ქვეყნებს, რომლებიც ცდილობენ გენდერული თანასწორობის გაუმჯობესებას, სამუშაო ადგილზე ქალთა გაძლიერებას ქალების მიერ მართულ იმ ბიზნესებთან თანამშრომლობით, რომლებიც ინვესტირებას მომავალში ახორციელებენ. ჩვენ ვეხმარებით მილიონობით ადამიანს ვისაც არ აქვს წვდომა სუფთა წყალთან, ელექტროენერჯისთან, ვაქცინებთან, კარგ ჯანდაცვასთან და ადეკვატურ ნარჩენების დამუშავების სისტემებთან.





ვალდებულებები

ევროპის საინვესტიციო ბანკი წარმოადგენს გამჭირვალე ორგანიზაციას და ანგარიშვალდებულია ევროკავშირის მოქალაქეების წინაშე ყველა განხორციელებული საქმიანობისათვის. ჩვენი გარემოსდაცვითი და სოციალური სტანდარტები ბრწყინვალე პარტნიორად გვაქცევს იმ საჯარო და კერძო სექტორის ორგანიზაციებისათვის, ვისთან ერთადაც ვსაქმიანობთ. ჩვენ გვყავს მაღალპროფესიონალი, ერთგული და მრავალფეროვანი თანამშრომელთა გუნდი. ის შედგება ეკონომისტებისგან, ინჟინრებისგან, ფინანსური ანალიტიკოსებისა და კლიმატის სპეციალისტებისგან, რომლებიც ყოველდღიურად მუშაობენ ადგილობრივ ექსპერტებთან, ინსტიტუტებთან და მთავრობებთან მსოფლიოს მასშტაბით.



ევროპის საინვესტიციო ბანკის ჯგუფი შედგება ევროპის საინვესტიციო ბანკისა (ესბ) და ევროპის საინვესტიციო ფონდისგან (ესფ).

ევროპის საინვესტიციო ბანკი ევროკავშირის ბანკია. ის წარმოადგენს მსოფლიოს უმსხვილეს მრავალმხრივ მსესხებელსა და სესხის გამცემს. ევროპის საინვესტიციო ბანკს, რომლის ცენტრალური ოფისი ლუქსემბურგშია, აქვს ადგილობრივი და რეგიონალური წარმომადგენლობების ფართო ქსელი ევროპასა და მის საზღვრებს გარეთ.

ევროპის საინვესტიციო ფონდი მხარს უჭერს მცირე ბიზნესებს მათთვის დაფინანსებაზე წვდომის გაუმჯობესებით ევროპასა და ევროპის გარეთ რიგ ქვეყნებში. ევროპის საინვესტიციო ფონდი აწვითარებს ვენჩურულ და ზრდის კაპიტალს, გარანტიებსა და მიკროსაფინანსო ინსტრუმენტებს ინოვაციებისა და დასაქმების ხელშეწყობის მიზნით.

„ესბ გლობალი“ წარმოადგენს ევროპის საინვესტიციო ბანკის საერთაშორისო განყოფილებას. 2022 წელს დაარსებიდან „ესბ გლობალი“ აგრძელებს ევროპის საინვესტიციო ბანკის ათწლეულის ვალდებულებას დააფინანსოს განვითარება, კლიმატთან დაკავშირებული ქმედება, ინოვაციური ინვესტიციები, მდგრადობა და ადამიანთა დახმარების ახალი გზები მსოფლიოს მასშტაბით.